



USAID
FROM THE AMERICAN PEOPLE



PRESS RELEASE

დაუყოვნებელი გავრცელებისათვის

1 აპრილი, 2016

საკონტაქტო ინფორმაცია:

ნათია ჩოფლიანი

საზოგადოებასთან ურთიერთობის სპეციალისტი

საქართველოს ადგილობრივ თვითმმართველობათა

ეროვნული ასოციაცია

e-mail: nchoplani@nala.ge

cell: +995 593 10 46 44

ICCAMGR ფარგლებში გამართულ ეროვნულ კონფერენციაზე განიხილება გარემოსდაცვითი და კლიმატის ცვლილების საკითხები

საქართველო, თბილისი – 2016 წლის 1 აპრილს, 10:00სთ.ზე სასტუმროში “Holiday Inn Tbilisi“ აშშ-ს საერთაშორისო განვითარების სააგენტოს (USAID) მიერ დაფინანსებული პროგრამა “საქართველოს რეგიონებში კლიმატის ცვლილებისადმი ადაპტაციისა და ზემოქმედების შერბილების ზომების ინსტიტუციონალიზაცია” (ICCAMGR) გამართავს ეროვნულ კონფერენციას თემაზე „კლიმატის ცვლილება ადგილობრივ დონეზე - პოლიტიკა და ქმედება“. კონფერენციაზე დამსწრეთა შორის იქნებიან ცენტრალური და ადგილობრივი ხელისუფლებისა და პარლამენტის წარმომადგენლები, კონფერენციაზე დამსწრეებს სიტყვით მიმართავენ საქართველოს მთავრობისა და USAID-ის წარმომადგენლები.

კონფერენციის მიზანია პროექტის ფარგლებში შემუშავებული კლიმატის ცვლილებისადმი ადაპტაციის გზამკვლევის განხილვა. ამასთანავე, მოწვეული სტუმრები სომხეთიდან, საფრანგეთიდან და ავსტრიიდან დამსწრე საზოგადოებას გაუზიარებენ საერთაშორისო გამოცდილებას და გააცნობენ პრაქტიკულ მექანიზმებს კლიმატის ცვლილების შესახებ ეროვნულ დონეზე გადაწყვეტილების მიღების პროცესში ადგილობრივი ხელისუფლების ჩართულობის შესახებ.

ICCAMGR პროგრამა მიმართულია საქართველოს ადგილობრივი თვითმმართველობების საქმიანობის დღის წესრიგში გარემოს დაცვითი და კლიმატის ცვლილებასთან დაკავშირებული საკითხების ინტეგრირებაზე. პროგრამამ დაიწყო კლიმატის ცვლილებისადმი ადაპტაციის პრაქტიკის ინსტიტუციონალიზაცია მუნიციპალიტეტებში კლიმატის ცვლილების და მდგრადი განვითარების სპეციალური კომისიების შექმნის გზით. დღეისათვის, მუნიციპალიტეტებში უკვე შექმნილია კლიმატის ცვლილებისა და მდგრადი განვითარების 65 სამუშაო ჯგუფი, რომლებიც უზრუნველყოფენ კომუნიკაციას ადგილობრივ და ცენტრალურ ხელისუფლებებს შორის კლიმატის ცვლილების საკითხებზე. აღნიშნულმა ჯგუფებმა, პროექტის ფარგლებში, გაიარეს გადამზადების კურსი და შეიძინეს საკუთარ მუნიციპალიტეტებში კლიმატის ცვლილებასთან გამკლავება-ადაპტაციის უნარ-ჩვევები. ამ კომისიების (სამუშაო ჯგუფების) ამოცანაა ხელი შეუწყონ ორგანული კანონით დადგენილი ადგილობრივი თვითმმართველობების ფუნქციების განხორციელებას ბუნებრივი რესურსების მართვის, სივრცითი დაგეგმარებისა და მდგრადი განვითარების სფეროში.

აშშ-ს მთავრობა მხარს უჭერს აღნიშნულ ინიციატივას საქართველოში, როგორც მნიშვნელოვან ძალისხმევას საქართველოს ბუნებრივი რესურსების და აგრეთვე საქართველოს ყველა მოქალაქის ეკონომიკური კეთილდღეობის ეფექტური მენეჯმენტისა და დაცვისათვის.

###

USAID საქართველოში: ბოლო 20 წლის განმავლობაში, ამერიკელმა ხალხმა, USAID-ის მეშვეობით, 1,5 მილიარდ დოლარზე მეტი ოდენობის დახმარება გაუწია საქართველოს. USAID-ის პროექტები მიზნად ისახავს დახმარების გაწევას საქართველოსათვის თავისუფალი და ძლიერი დემოკრატიის მშენებლობის პროცესში და მოიცავს ინიციატივებს, რომლებიც მიმართულია ეკონომიკური განვითარების დაჩქარებაზე, დემოკრატიული ინსტიტუტების განვითარებასა და ჯანდაცვისა და განათლების სისტემების გაუმჯობესებაზე. USAID უწევს ეკონომიკურ და ჰუმანიტარულ დახმარებას 100-ზე მეტ ქვეყანას. დამატებითი ინფორმაციისათვის ეწვიეთ ვებ-გვერდს: <http://georgia.usaid.gov>